

## 04 過年大擷掃

林宜男

過年對囡仔來講，是一年當中上快樂的日子，毋但會當穿新衫、有紅包通挈，猶有三四禮拜的歇寒。毋過對大人來講，過年是一個予人向望閣忝頭的時陣。期待的是辛苦一年有賞金通領，嘛會使好好仔歇暍幾工仔，和親情朋友聯絡一下仔感情，抑是出去旅行。忝的是過年前一寡仔沓沓滴滴的代誌和工課，予人實在有夠煩的。毋但工課愛做到一個坎站，厝內的代誌嘛是一堆，其中一項就是大擷掃。

講著過年大擷掃，普通時仔嫌躑公寓狹，物件擺搵無所在通園，猶是躑透天的較好。毋過若過年拄著大擷掃的時，就感覺公寓整理起來緊閣方便。透天厝欲擷，干焦想著就瘡！

過年雖然講有幾若工通歇，毋過攏是佇新年前一、兩工才歇，若真正到倚年才開始擷，根本都袂赴，閣較莫講猶有拜拜的物件愛攢。所以阮攏個外月前有閒就愛開始款厝內。應該擲的、應該收的、應該拭的、應該洗的……逐項攏袂使清彩，就是希望過年的時，厝內清清氣氣。

內底款好了後，閣來就是門窗戶扇、網仔門佻玻璃。倚內面引的玻璃佻門窗較無差，外口引上驚拄著透風落雨，

共辛苦拭甲真清氣的玻璃閣吹垃圾去。所以我逐年攏是共擷大門的工課，留到過年前才做，較袂白了工。毋過洗大門彼工若拄著寒流來，用冷吱吱的水拭玻璃、窗仔佻鐵門，準講無細膩去感著，毋但一年上長的歇暍日烏有去，連欲予醫生看嘛是一件誠麻煩的代誌。莫怪這馬有真濟人，過年若無閒通擷，規氣門關關咧規家伙仔出去迤迤。

過年擷掃雖然有較忝，毋過有一個好處，就是會搵著進前按怎搵都搵無的物件，尤其物件若是有紀念性的，毋但歡喜閣會當共一段失落的記持搵轉來！舊年大擷掃的時，我就搵著細漢的時，阿叔送我的鉛筆盒仔。彼是伊去日本的時，買轉來送我的禮物。已經倚欲四十年矣，有淡薄仔生銹佻退色，毋過這是一個真有紀念性的物件，敢若有拄著寶的感覺，心情綴咧好起來，嘛予大擷掃加真心適，感覺袂遐爾忝矣。